



«Uzbekistan Airports» АЖ
ягона акциядорининг
2024 йил «22» январдаги
1-сон қарори билан
«ТАСДИҚЛАНГАН»

«UZBEKISTON AIRPORTS» АКЦИЯДОРЛИК ЖАМИЯТИ
У С Т А В И
(янги таҳрир)

Тошкент - 2024 йил

Мундарижа

- I.** Умумий қоидалар.
- II.** Жамиятнинг фирма номи, жойлашган ери ва электрон почта манзили.
- III.** Жамиятнинг ҳуқуқий мавқеи.
- IV.** Жамиятнинг жавобгарлиги.
- V.** Жамият фаолиятининг соҳаси (асосий йўналишлари) ва мақсади.
- VI.** Жамият устав фондининг (устав капиталининг) миқдори.
- VII.** Жамият акцияларининг турлари, уларнинг номинал қиймати, жамиятнинг бошқа қимматли қоғозлари.
- VIII.** Жамият акцияларини жойлаштириш тартиби ва шартлари.
- IX.** Жамият акциядорларининг ҳуқуқ ва мажбуриятлари.
- X.** Дивидендларни тўлаш тартиби.
- XI.** Жамиятнинг захира фондини ва бошқа фондларини ташкил этиш тартиби.
- XII.** Жамият бошқарувининг тузилмаси.
- XIII.** Жамият акциядорларининг умумий йиғилиши.
- XIV.** Кузатув кенгаши.
- XV.** Жамият ижроия органи.
- XVI.** Кузатув кенгаши аъзоларининг, бошқарув раисининг ва бошқарув аъзоларининг жавобгарлиги.
- XVII.** Жамиятнинг молия-хўжалик фаолиятини назорат қилиш.
- XVIII.** Жамиятнинг йиллик ҳисоботларини тузиш, текшириш ва тасдиқлаш тартиби.
- XIX.** Жамиятни қайта ташкил этиш ва тугатиш.
- XX.** Яқуний қоидалар.

I. Умумий қоидалар

1.1. Мазкур Устав Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Қонуни (кейинги ўринларда - Қонун), Ўзбекистон Республикасининг Ҳаво кодекси ва Ўзбекистон Республикасининг бошқа қонун ҳужжатлари асосида ишлаб чиқилган.

1.2. "Uzbekistan Airports" акциядорлик жамияти (кейинги ўринларда - Жамият) Ўзбекистон Республикаси Президентининг 2018 йил 27 ноябрдаги ПФ-5584-сон "Ўзбекистон Республикасининг фуқаролик авиациясини тубдан такомиллаштириш чора-тадбирлари тўғрисида"ги ҳамда Ўзбекистон Республикаси Президентининг 2023 йил 18 августдаги ПК-283-сон "Давлат иштирокидаги корхоналар ва тижорат банкларини ислоҳ қилиш механизмини такомиллаштириш бўйича қўшимча чора-тадбирлари тўғрисида"ги қарорига мувофиқ, жамиятнинг устав фондидаги давлат улушининг 100 фоизи Ўзбекистон Республикаси Иқтисодиёт ва Молия вазирлигига жамиятнинг ягона акциядори сифатида берилган.

1.3. Жамият ўз фаолиятини Ўзбекистон Республикасининг Фуқаролик кодекси, Ўзбекистон Республикасининг Ҳаво кодекси, Қонун ва бошқа меъёрий ҳуқуқий ҳужжатларга мувофиқ олиб боради.

1.4. Жамият барча акциядорларига нисбатан уларнинг улушлари, даромадлар даражаси, жинси, ирқи, дини, миллати, тили, ижтимоий келиб чиқиши, шахс ва ижтимоий мавқеидан қатъий назар тенг муносабатни таъминлайди.

II. Жамиятнинг фирма номи, жойлашган ери ва электрон почта манзили

2.1. Жамиятнинг тўлиқ фирма номи:

давлат тилида:

лотин ёзувида: "Uzbekistan Airports" aksiyadorlik jamiyati;

кирилл ёзувида: "Uzbekistan Airports" акциядорлик жамияти;

рус тилида: Акционерное общество «Uzbekistan Airports»;

инглиз тилида: «Uzbekistan Airports» joint-stock company.

Жамиятнинг қисқартирилган номи:

давлат тилида:

лотин ёзувида: "UzAirports" AJ;

кирилл ёзувида: "UzAirports" АЖ;

рус тилида: АО «UzAirports».

инглиз тилида: «UzAirports» JSC.

2.2. Жамиятнинг жойлашган ери у давлат рўйхатидан ўтказилган жойга кўра белгиланади.

Жамиятнинг жойлашган ери (почта манзили): Ўзбекистон Республикаси, Тошкент шаҳар, Сергели тумани, Кумарик кўчаси, 13-уй, почта индекси 100167.

Жамиятнинг электрон почта манзили: info@uzairports.com

Жамиятнинг расмий веб-сайти: www.uzbairports.uz

III. Жамиятнинг ҳуқуқий мавқеи

3.1. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият чекланмаган муддатга тузилади.

3.2. Жамият юридик шахс бўлиб, у ўз мустақил балансига, алоҳида мол-мулкка, шу жумладан ўзининг устав фондига (устав капиталига) берилган мол-мулкка эга бўлади, ўз номидан мулкӣ ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлишга ҳақли.

3.3. Жамият ўзининг фирма номи давлат тилида тўлиқ ёзилган ҳамда жойлашган жойи кўрсатилган юмалоқ муҳрга эга бўлади. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

Жамият ўзининг жойлашган жойи (почта манзили) ва электрон почта манзили ўзгарганлиги тўғрисида юридик шахсларни давлат рўйхатидан ўтказувчи органларни ёзма билдириш юбориш йўли билан, акциядорларни эса оммавий ахборот воситаларида эълон бериш йўли билан хабардор этиши шарт.

3.4. Жамият Ўзбекистон Республикаси ҳудудида ва унинг ташқарисида белгиланган тартибда банк ҳисобварақларини очишга ҳақли.

IV. Жамиятнинг жавобгарлиги

4.1. Жамият ўз мажбуриятлари юзасидан ўзига тегишли барча мол-мулк билан жавобгар бўлади.

Акциядорлар жамиятнинг мажбуриятлари юзасидан жавобгар бўлмайди ва унинг фаолияти билан боғлиқ зарарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

Акцияларнинг ҳақини тўлиқ тўламаган акциядорлар Жамиятнинг мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўлади.

Жамият ўз акциядорларининг мажбуриятлари юзасидан жавобгар бўлмайди.

Давлат ва унинг органлари Жамиятнинг мажбуриятлари юзасидан жавобгар бўлмайди, худди шунингдек Жамият ҳам давлат ва унинг органларининг мажбуриятлари юзасидан жавобгар бўлмайди.

4.2. Ўзбекистон Республикасининг Авиация қоидаларига ва Фуқаро авиациясининг халқаро ташкилоти (ИКАО) стандартларига асосан Ўзбекистон Республикаси миллий ташувчиси ва республикада жойлашиш жойи мавжуд бўлган бошқа авиакомпаниялар ҳаво кемалари учун тураргоҳга, шунингдек бино ва иншоотлардан фойдаланишга, ердаги

зарурий хизматларга (техник ва тижорат), кўрсатилган аэропортларга учишни амалга оширадиган бошқа авиакомпаниялар олдида имтиёзли ҳуқуқга эга бўладилар.

4.3. Жамият филиаллар ташкил этишга ва ваколатхоналар очишга ҳақли.

4.4. Жамиятнинг филиали ва ваколатхонаси юридик шахс бўлмайди. Улар Жамият кузатув кенгаши (кейинги ўринларда - Кузатув кенгаши) томонидан тасдиқланган низом асосида иш юритади. Жамиятнинг филиалга ва ваколатхонага бериб қўйилган мол-мулки Жамиятнинг балансида ҳисобга олинади.

Филиалнинг ёки ваколатхонанинг раҳбари Жамият томонидан тайинланади ва Жамият томонидан берилган ишончнома асосида иш юритади.

Филиал ҳамда ваколатхона фаолияти учун жавобгарлик Жамият зиммасида бўлади.

Жамият томонидан Ўзбекистон Республикасидан ташқарида филиаллар ташкил этиш ва ваколатхоналар очиш, агар Ўзбекистон Республикасининг халқаро шартномасида бошқача қоида назарда тутилмаган бўлса, филиаллар ва ваколатхоналар жойлашган ердаги мамлакатнинг қонун ҳужжатларига мувофиқ амалга оширилади.

4.5. Жамият қонун ҳужжатларига мувофиқ акциядорлик Жамияти ёки масъулияти чекланган жамият шаклидаги шўъба ва тобе хўжалик жамиятларига эга бўлиши мумкин.

4.6. Жамият корхоналар, ташкилотлар ва бошқа тижорат тузилмаларини ташкил этишда қонун ҳужжатларида белгиланган тартибда қатнашиш ҳуқуқига эга.

Жамият, шунингдек нотижорат ташкилотларда иштирок этиши мумкин.

V. Жамият фаолиятининг соҳаси (асосий йўналишлари) ва мақсади

5.1. Жамият фаолиятининг асосий мақсади мамлакат ичидаги халқаро аэропортларни ривожлантириш, шунингдек акциядорларнинг манфаатлари йўлида фойда (даромад) олишдир.

5.2. Жамиятнинг асосий вазифалари ва йўналишлари қуйидагилардир:

аэропортларни узоқ муддатли ривожлантириш стратегиясини ишлаб чиқиш ва амалга ошириш;

аэропортлар инфратузилмасини такомиллаштириш учун инвестицияларни,

шу жумладан аэропортларни бошқариш соҳасида давлат-хусусий шериклик ва етакчи халқаро компаниялар билан ҳамкорлик қилиш механизмларидан фойдаланган ҳолда жалб қилиш;

аэропортларда авиаташувчилар йўловчиларига юқори даражада хизмат кўрсатилишини таъминлаш, улар учун барча зарур қулай шарт-шароитларни яратиш;

аэропортлар тегишли хизматларининг самарали фаолият кўрсатишини таъминлаш, йўловчилар, юк, почта ва багажга хизмат кўрсатиш жараёнини оптималлаштириш;

аэродромларни парвозларга ўз вақтида ва сифатли тайёрлаш, парвозларнинг мунтазамлиги ва хавфсизлигини таъминлаш бўйича тадбирларни амалга ошириш, аэродромларни таъминлаш ва уларни таъмирлашнинг замонавий усуллари жорий этиш;

ҳаво кемаларига ёқилғи қуйиш ва хизмат кўрсатиш учун фойдаланиладиган ёқилғи ва бошқа ёқилғи-мойлаш материаллари билан узлуксиз таъминлаш, шунингдек, уларнинг сифатини қатъий назорат қилиш;

логистика соҳасида хизматларни сифатли кўрсатиш учун инфратузилмани такомиллаштириш ва қулай шарт-шароитлар яратиш;

аэропортларда савдо, овқатланиш, йўловчиларга банк ва бошқа хизматлар кўрсатувчи замонавий объектлар тармоғини, шу жумладан давлат-хусусий шериклик шартлари асосида кенгайтириш;

фуқаро авиациясининг ноқонуний аралашуш ҳаракатларидан ҳимоя қилишга қаратилган қоида ва амалиётларни ҳамда давлат нормаларнинг талабларини бажариш орқали парвозлар хавфсизлиги ва режим-қўриқлашнинг юқори даражада таъминлаш.

5.3. Жамият асосий мақсадига эришиш учун фаолият ва хизмат кўрсатишнинг қуйидаги турларини амалга оширади:

Жамиятга тегишли аэропорт ва вертодромларнинг бошқаруви, мувофиқлаштириш, эксплуатация, сақлаш ва бошқаришни амалга ошириш ва улар билан боғлиқ хизматларини кўрсатиш;

ҳамкорликда фойдаланиш аэропортининг фуқаролик зоналарини мувофиқлаштириш, эксплуатация, сақлаш, бошқарув ва башқаришни амалга ошириш;

парвозларни амалга ошириш, ҳаво кемалари, йўловчиларга, уларнинг қўл юклари ва юкларга хизмат кўрсатиш учун хавфсиз ва самарали усуллари билан керакли инфратузилмани сақлаш;

аэропорт ва аэродром мажмуаларнинг инфратузилмасига қилинган инвестициялари бўйича назорат қилиш, лойиҳаларни ишлаб чиқариш ва тайёрлаш, уларнинг реализациясини амалга ошириш;

аэропортларнинг янги инфратузилмалари ва аэронавигация объектларини ва улар билан боғлиқ хизматларини ташкил этиш, уларга эҳтиёж даражасини таҳлил қилиш ва таклифлар тайёрлаш;

аэропортлар томонидан хизмат кўрсатишнинг хавфсизлигини таъминлашда иштирок этиш;

авиакомпанияларни жалб қилиш ҳамда янги йўналишларни ривожлантириш бўйича чора-тадбирларни амалга ошириш;

бино ва иншоотларни қуриш бўйича муҳандислик тадқиқотларини амалга ошириш, бино ва иншоотларни лойиҳалаштириш ва қуриш;

ахборот ресурсларини ва маълумотлар базасини ташкил этиш ва фойдаланиш бўйича ишларни амалга ошириш;

хаво кемаларига қўйиладиган авиа ёқилғи, мойи, суртма, суюқликларнинг сифатини назорат қилиш ва хаво транспортида ташишни авиа ёқилғи билан таъминлаш;

Жамият мутахассисларини ўргатиш ва малакасини оширишни ташкил этиш;

аэропортларни бошқариш ва тижорат фаолияти бўйича масалалар юзасидан маслаҳат бериш;

аэропорт ҳудудида чакана ва улгуржи савдо, умумий овқатланиш, маиший хизматларни кўрсатишни ташкил этиш;

жамият таркибига кирувчи ташкилотлар ва бошқа юридик шахсларнинг бухгалтерия ҳисобини юритиш бўйича хизматлар кўрсатиш (аутсорсинг);

туристик, тиббий, меҳмонхона хизматларини ташкил этиш.

5.4. Жамият ўз фаолиятини амалга ошираётганда парвоз хавфсизлигини таъминлайди, белгиланган тартибда ноҳуш ходисаларни, инцидентларни ва уларни юзага келтирувчи сабабларни, авиатехникаларни зарарланишини текширади, уларни олдини олиш чораларини ишлаб чиқади, шунингдек, қидирув ва авария-қутқарув ишларини ташкил қилади, шунингдек давлат сири ҳисобланадиган маълумотлар билан ишларни ташкил этади.

5.5. Жамият мақсадлари ва вазифаларини бажариш ҳамда ишлаб чиқариш ҳўжалик фаолиятини юритиш учун Жамиятнинг барча ходимлари ва ташкилий тузилмасига кирувчи корхоналари бажариши шарт бўлган ички ҳужжатларни ишлаб чиқади.

5.6. Жамият ўз фаолиятини амалга оширишда аэропортларни хавфсиз ишлаб туришини ва ноқонуний аралашув актларидан ҳимояланишини, авиация хавфсизлиги ва қўриқлаш-режими талаблари қўлланишини таъминлайди. Фуқаро авиациясининг халқаро ташкилоти (ИКАО) Конвенциясининг 17-иловасида келтирилган низомларга ва миллий меъёрий-ҳуқуқий ҳужжатларга мувофиқ қўриқлаш-режими чоралари ва авиация хавфсизлигини таъминлаш меъёри ва тартибларини ишлаб чиқади. Давлат сири ҳисобланган маълумотлар асосида ишни ташкиллаштиради.

5.7. Махсус рухсатнома (лицензия) олишни талаб қиладиган фаолият турлари қонунчиликда ўрнатилган тартибда, рухсатнома (лицензия) олингандан кейин амалга оширилади.

5.8. Жамият, қўшимча фойда олиш мақсадида Ўзбекистон Республикасининг амалдаги қонунчилигида таъқиқланмаган бошқа фаолият турлари билан шуғулланишга ҳақлидир.

VI. Жамият устав фондининг (устав капиталининг) миқдори

а) Жамиятнинг устав фонди (устав капитали)

6.1. Жамиятнинг устав фонди (устав капитали) акциядорлар олган Жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади.

6.2. Жамиятнинг устав фонди (устав капитали) **5 792 331 966 600** (беш триллион етти юз тўқсон икки миллиард уч юз ўттиз бир миллион тўққиз юз

олтмиш олти минг олти юз) сўмни ташкил қилиб, ҳар бир акциянинг номинал қиймати 100 (юз) сўм бўлган **57 923 319 666** (эллик етти миллиард тўққиз юз йигирма уч миллион уч юз ўн тўққиз минг олти юз олтмиш олти) дона эгасининг номи ёзилган оддий акцияга бўлинган.

6.3. Жамиятнинг устав фонди (устав капитали) Жамият мол-мулкининг Жамият кредиторлари манфаатларини кафолатлайдиган энг кам миқдорини белгилайди.

6.4. Жамият **44 285 867 518 400** (қирқ тўрт триллион икки юз саксон беш миллиард саккиз юз олтмиш етти миллион беш юз ўн саккиз минг тўрт юз) сўм миқдорида **442 858 675 184** (тўрт юз қирқ икки миллиард саккиз юз эллик саккиз миллион олти юз етмиш беш минг бир юз саксон тўрт) дона номинал қиймати 100 (бир юз) сўм бўлган кўшимча эълон қилинган эгасининг номи ёзилган оддий акция чиқаришга ҳақли.

6.5. Акцияларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан, мулкӣ ҳуқуқлар) орқали амалга оширилади

б) Жамиятнинг устав фондини (устав капитали) кўпайтириш

6.6. Жамиятнинг устав фонди (устав капитали) акцияларнинг кўшимча акцияларни жойлаштириш йўли билан кўпайтирилиши мумкин.

6.7. Кўшимча акциялар мазкур уставда белгиланган, эълон қилинган акцияларнинг сони доирасидагина Жамият томонидан жойлаштирилиши мумкин.

6.8. Жамиятнинг устав фондини (устав капиталини) кўшимча акцияларни жойлаштириш йўли билан кўпайтириш ҳамда Жамият Уставига тегишли ўзгартишлар киритиш тўғрисида Жамият акциядорларининг умумий йиғилиши томонидан тегишли қарор қабул қилиниши учун таклифлар Кузатув кенгаши томонидан киритилади.

6.9. Жамиятнинг устав фондини (устав капиталини) кўшимча акцияларни жойлаштириш йўли билан кўпайтириш тўғрисидаги қарорда жойлаштириладиган кўшимча акцияларнинг сони, уларни жойлаштириш муддатлари ва шартлари белгиланган бўлиши керак.

6.10. Жамиятнинг устав фондини (устав капиталини) кўшимча акцияларни жойлаштириш йўли билан кўпайтириш жалб қилинган инвестициялар, Жамиятнинг ўз капитали ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

Жамиятнинг устав фондини (устав капиталини) унинг ўз капитали ҳисобидан кўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади.

Бунда ҳар бир акциядорга қайси турдаги акциялар тегишли бўлса, айна ўша турдаги акциялар унга тегишли акциялар сонига мутаносиб равишда тақсимланади. Жамиятнинг устав фондини (устав капиталини) унинг ўз капитали ҳисобидан кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, Жамиятнинг устав фондини (устав капиталини) кўпайтиришга йўл қўйилмайди.

6.11. Жамиятнинг устав фондини (устав капиталини) қўшимча акцияларни жойлаштириш йўли билан кўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда мазкур уставда кўрсатилган, эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига камайтирилиши керак.

6.12. Жамият акциядорларининг умумий йиғилиши томонидан қабул қилинган қўшимча акцияларни чиқариш тўғрисидаги қарор Жамият устав фондини Жамиятнинг устав фондини (устав капиталини) кўпайтириш тўғрисидаги қарордир.

в) Жамиятнинг устав фондини (устав капитални) камайтириш

6.13. Жамиятнинг устав фонди (устав капиталини) акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

Жамиятнинг устав фонди (устав капиталини) акцияларнинг бир қисмини олиш ва бекор қилиш йўли билан камайтиришга ҳақли.

6.14. Жамиятнинг устав фонди (устав капиталини) камайтириш тўғрисидаги ва Жамият уставига тегишли ўзгартиришлар киритиш ҳақидаги қарорлар акциядорларнинг умумий йиғилиши томонидан қабул қилинади.

6.15. Жамиятнинг устав фонди (устав капиталини) камайтириш тўғрисида қарор қабул қилинаётганда акциядорларнинг умумий йиғилиши устав фондини камайтириш сабабларини кўрсатади ва уни камайтириш тартибини белгилайди.

6.16. Жамиятнинг устав фонди (устав капиталини) камайтириш тўғрисида қарор қабул қилинган санадан эътиборан ўттиз кундан кечиктирмай ўз кредиторларини бу ҳақда ёзма шаклда хабардор қилади.

Кредиторлар Жамиятнинг устав фонди (устав капиталини) камайтириш тўғрисида ўзларига билдириш юборилган санадан эътиборан ўттиз кундан кечиктирмай Жамиятдан ўз мажбуриятларини муддатидан олдин бажаришини ва устав фонди (устав капиталини) камайтирилиши билан боғлиқ зарарларнинг ўрнини қоплашини талаб қилишга ҳақли.

VII. Жамият акцияларининг турлари, уларнинг номинал қиймати, Жамиятнинг бошқа қимматли қўғозлари

7.1. Жамиятнинг акциялари оддий эгасининг номи ёзилган эмиссиявий қимматли қўғозлар ҳисобланади. Ҳар бир акциянинг номинал қиймати 100 (бир юз) сўм.

Оддий акцияларнинг эгалари бўлган акциядорлар қонунчилик ва ушбу Уставга мувофиқ акциядорларнинг умумий йиғилишида мазкур йиғилиш ваколатига қирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, Жамият тугатилган тақдирда эса, ўзларига тегишли улушга мувофиқ Жамият мол-мулкнинг бир қисмини олиш ҳуқуқига эга.

7.2. Жамиятнинг оддий акцияларини имтиёзли акцияларга, корпоратив облигацияларга ва бошқа қимматли қоғозларга айирбошлашга йўл қўйилмайди.

7.3. Жамият қонун ҳужжатларида назарда тутилган корпоратив облигациялар ва бошқа қимматли қоғозларни чиқаришга ҳамда жойлаштиришга ҳақли.

Жамият томонидан корпоратив облигацияларни чиқариш, шу жумладан акцияларга айирбошланадиган корпоратив облигацияларни чиқариш Кузатув кенгаши қарорига кўра амалга оширилади.

Жамият томонидан акцияларга айирбошланадиган корпоратив облигациялар чиқарилган тақдирда, мазкур қарор Кузатув кенгашининг барча аъзолари томонидан бир овоздан қабул қилиниши керак.

Акцияларга айирбошланадиган қимматли қоғозлар Жамият томонидан жойлаштирилган тақдирда эълон қилинган акцияларнинг сони ушбу қимматли қоғозларнинг муомалада бўлиши муддати мобайнида айирбошлаш учун зарур миқдордан кам бўлмаслиги лозим.

Жамият ўзи жойлаштирган қимматли қоғозлар айирбошланиши мумкин бўлган акциялар берадиган ҳуқуқларни чеклаш ҳақида ушбу қимматли қоғозлар эгаларининг розилигисиз қарор қабул қилишга ҳақли эмас.

VIII. Жамият акцияларини жойлаштириш тартиби ва шартлари

8.1. Жамият акцияларни ва акцияларга айирбошланадиган қимматли қоғозларни очик ва ёпиқ обуна воситасида жойлаштиришга ҳақли.

Акцияларнинг очик обунаси фақат ташкил этилган қимматли қоғозлар савдоларида ўтказилади.

8.2. Жамият томонидан Жамиятнинг қўшимча акцияларини ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилган пайтдан эътиборан бир йилдан ошмаслиги керак. Жамиятнинг қўшимча акцияларига ушбу акцияларни чиқариш тўғрисидаги қарорда кўрсатилган жойлаштириш муддати ичида ҳақ тўланиши лозим.

8.3. Жамиятнинг қўшимча акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади. Қўшимча акциялар ва бошқа қимматли қоғозларга ҳақ тўлаш тартиби уларни чиқариш тўғрисидаги қарорда белгилаб қўйилади.

8.4. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (ташкил этилган қимматли қоғозлар савдоларига чиқариш) нархи Жамият акциядорларининг умумий йиғилиши томонидан қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.

Жамиятнинг қўшимча акциялари ва бошқа қимматли қоғозларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

Жамиятнинг устав фонди (устав капитали) кўпайтириладиганда Жамиятнинг қўшимча акцияларига унинг ўз капитали ҳисобидан, шунингдек ҳақини қўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш Жамият акцияларининг номинал қиймати бўйича амалга оширилади.

IX. Жамият акциядорларининг ҳуқуқ ва мажбуриятлари

9.1. Жамият акциядорлари:

Жамият акциядорларининг реестрига киритилиш;
депо ҳисобварағидан ўзига тааллуқли кўчирма олиш;
Жамият фойдасининг бир қисмини дивидендлар тарзида олиш;
Жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;

Акциядорларнинг умумий йиғилишларида овоз бериш орқали Жамиятни бошқаришда иштирок этиш;

Жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;

олинган дивидендини эркин тасарруф этиш;

қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

ўзига етказилган зарарнинг ўрнини қопланишини белгиланган тартибда талаб қилиш;

ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларга бирлашиш;

қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш;

акциядорлар қонун ҳужжатларига мувофиқ бошқа ҳуқуқларга ҳам эга бўлиши мумкин.

9.2. Акциядорлар қонун ҳужжатларида белгиланган тартибда ва кўзда тутилган ҳолларда ўзларига тегишли акцияларнинг ҳаммаси ёки бир қисми Жамият томонидан қайтариб сотиб олиншини талаб қилишга ҳақли.

9.3. Ҳар бир оддий акция унга эгалик қилувчи ҳар бир акциядорга шу турдаги акцияларнинг бошқа эгалари билан бир хил бўлган ҳажмдаги ҳуқуқларни беради.

9.4. Акциядорнинг Акциядорлар умумий йиғилишида иштирок этиши, дивидендлар олиши ва Жамият томонидан корпоратив ҳаракатлар бажарилганда қонун ҳужжатларида назарда тутилган бошқа ҳуқуқларни амалга ошириши Жамият акциядорларининг реестри асосида амалга оширилади.

9.5. Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан қўриқланадиган манфаатларини бузмаслиги лозим.

Акцияларни бошқа шахсга беришга доир чеклов белгиланиши акциядорни - мазкур акциялар эгасини қонунчиликда белгиланган

тартибда Жамиятни бошқаришда иштирок этиш ва улар бўйича дивидендлар олиш ҳуқуқидан маҳрум қилмайди.

9.6. Жамият акциядорлари қуйидаги мажбуриятларга эга:

Жамиятнинг акцияларига қонун ҳужжатларида, ушбу Уставда ва акция чиқарилиши тўғрисидаги қарорларда кўзда тутилган тартибда, усулларда ва муддатларда ҳақ тўлаш;

Жамият фаолияти тўғрисидаги махфий маълумотларни ошкор қилмаслик;

акциядорлар қонун ҳужжатларида назарда тутилган бошқа мажбуриятларга
эга бўлиши мумкин. ҳам

9.7. Акцияларга бўлган ҳуқуқлар акцияларни олувчига унинг депо ҳисобварағига тегишли кирим ёзуви белгиланган тартибда киритилган пайтдан эътиборан ўтади ва қонун ҳужжатларида белгиланган тартибда депо ҳисобварағидан кўчирма билан тасдиқланади.

Акция билан тасдиқланадиган ҳуқуқлар уларни олувчига ушбу қимматли қоғозга бўлган ҳуқуқлар ўтган пайтдан эътиборан ўтади.

Х. Дивидендларни тўлаш тартиби

10.1. Дивиденд Жамият соф фойдасининг акциядорлар ўртасида тақсимланадиган қисмидир.

Жамият акцияларнинг ҳар бир тури бўйича эълон қилинган дивидендларни тўлаши шарт.

Дивиденд акциядорларнинг умумий йиғилиши қарорига кўра пул маблағлари

ёки бошқа қонуний тўлов воситалари ёхуд Жамиятнинг қимматли қоғозлари билан тўланиши мумкин.

Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

10.2. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра, жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

10.3. Акциялар бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори Кузатув кенгаши томонидан тавсия этилган миқдордан кўп бўлиши мумкин эмас. Акциядорларнинг умумий йиғилиши акцияларнинг муайян турлари бўйича дивидендлар тўламаслик тўғрисида қарор қабул қилишга ҳақли. Дивидендлар тўлаш тўғрисидаги қарорда дивидендлар тўлаш бошланадиган ва тугайдиган саналар кўрсатилган бўлиши лозим.

10.4. Дивидендлар Жамиятнинг тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

Дивидендлар тўлаш муддати ва тартиби Жамият акциядорларининг умумий йиғилиши қарорида белгиланади. Дивидендлар тўлаш муддати шундай қарор қабул қилинган кундан эътиборан олтиш кундан кеч бўлмаслиги лозим.

10.5. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра Жамият ихтиёрида қолади.

10.6. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган Жамият акциядорлари реестрида қайд этилган шахслар акциялар бўйича дивиденд олиш ҳуқуқига эга.

10.7. Жамият:

Жамият устав фондининг (устав капиталининг) ҳаммаси у таъсис этилиши чоғида тўлиқ тўлаб бўлингунига қадар;

агар дивидендлар тўланадиган пайтда Жамиятда банкротлик белгилари мавжуд бўлса ёки Жамиятда шундай белгилар дивидендлар тўлаш натижасида пайдо бўлса;

агар Жамият соф активларининг қиймати унинг устав фонди (устав капитали) ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

Ушбу бандда кўрсатилган ҳолатлар тугатилгач, Жамият ҳисобланган дивидендларни акциядорларга тўлаши шарт.

10.8. Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади. Жамият тўланадиган дивидендлар миқдори тўғрисидаги маълумотларни қонун ҳужжатларида белгиланган тартибда ва муддатларда эълон қилади.

XI. Жамиятнинг захира фондини ва бошқа фондларини ташкил этиш тартиби

II.1. Жамиятда соф фойда ҳисобидан устав фондининг (устав капиталининг)

15 (ўн беш) фоизидан кам бўлмаган миқдорда захира фонди тузилади. Жамиятнинг захира фонди ушбу Уставда белгиланган миқдорга етгунига қадар соф фойданинг камида 5 (беш) фоизи миқдорида ҳар йилги мажбурий ажратмалар орқали шакллантирилади.

II.2. Бошқа маблағлар мавжуд бўлмаган тақдирда, Жамиятнинг захира фонди Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш ва Жамиятнинг акцияларини қайтариб сотиб олиш учун мўлжалланади.

Жамиятнинг захира фондидан бошқа мақсадлар учун фойдаланиш мумкин эмас.

II.3. Жамият акциядорларнинг умумий йиғилиши қарорига мувофиқ белгилаб бериладиган бошқа фондлар ташкил этиш, ташкил этиш мақсади,

XII. Жамият бошқарувининг тузилмаси

12.1. Жамиятни бошқариш органлари қуйидагилардан иборат:

Акциядорларнинг умумий йиғилиши;

Кузатув кенгаши;

Жамият ижроия органи (кейинги ўринларда - Ижроия органи) (бошқарув).

XIII. Жамият акциядорларининг умумий йиғилиши

13.1. Акциядорларнинг умумий йиғилиши Жамиятнинг юқори бошқарув органидир.

Акциядорларнинг умумий йиғилишини Кузатув кенгаши раиси, у узрли сабабларга кўра бўлмаган тақдирда эса, Кузатув кенгаши аъзоларидан бири олиб боради. Акциядорларнинг умумий йиғилиши раиси ҳар мажлиснинг бошида аниқланади.

13.2. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади.

Акциядорларнинг йиллик умумий йиғилишида Кузатув кенгашини сайлаш тўғрисидаги, Жамиятнинг бошқарув раиси ва аъзолари билан тузилган шартномаларнинг амал қилиш муддатини узайтириш (шартномани қайта тузиш ёки уни тугатиш (бекор қилиш) мумкинлиги тўғрисидаги, шунингдек Жамиятнинг йиллик ҳисоботи, Жамият ижроия органи ва Кузатув кенгашининг Жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботлари ва қонун ва Уставга мувофиқ бошқа ҳужжатлари кўриб чиқилади.

13.3. Акциядорларнинг умумий йиғилишини ўтказиш чоғида умумий йиғилишда, кун тартибидаги масалаларни муҳокама қилиш ва овозга қўйилган масалалар бўйича қарорлар қабул қилишда иштирок этиш имкониятини берадиган ахборот-коммуникация технологияларидан фойдаланилиши мумкин. Акциядорларнинг умумий йиғилишида ахборот-коммуникация технологияларидан фойдаланган ҳолда масофадан туриб иштирок этиш ва масофадан туриб электрон овоз беришнинг умумий тартиби қимматли қоғозлар бозорини тартибга солиш бўйича ваколатли давлат органи томонидан белгиланади.

13.4. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлар ҳисобланади.

13.5. Акциядорлар умумий йиғилишининг ваколат доирасига қуйидагилар киради:

Жамият Уставига ўзгартиш ва қўшимчалар киритиш ёки Жамиятнинг янги таҳрирдаги Уставини тасдиқлаш;

Жамиятни қайта ташқил этиш;

Жамиятни тугатиш, тугатувчини (тугатиш комиссиясини) тайинлаш
ҳамда оралик
ва якуний тугатиш балансларини тасдиқлаш;

Кузатув кенгашининг сон таркибини белгилаш, уларнинг аъзоларини
сайлаш ва аъзоларнинг ваколатларини муддатидан илгари тугатиш;

эълон қилинган акцияларнинг энг кўп миқдорини белгилаш;

устав фондини (устав капиталини) кўпайтириш ва Жамият уставига
ўзгартиш

ва кўшимчалар киритиш тўғрисидаги масалаларни ҳал қилиш;

қонунчиликда белгиланган тартибда акцияларни жойлаштириш
(ташқил этилган қимматли қоғозлар савдоларига чиқариш) нархини
белгилаш;

Жамиятнинг устав фондини (устав капиталини) камайтириш;

ўз акцияларини олиш;

Жамиятнинг ташкилий тузилмасини тасдиқлаш, Ижроия органини
тузиш, унинг раҳбарини сайлаш (тайинлаш) ва раҳбарнинг ваколатларини
муддатидан илгари тугатиш;

Жамиятнинг йиллик ҳисоботини, шунингдек Жамият фаолиятининг
асосий йўналишлари ва мақсадидан келиб чиққан ҳолда Жамиятни ўрта
муддатга ва узоқ муддатга ривожлантиришнинг аниқ муддатлари
белгиланган стратегиясини тасдиқлаш;

Жамиятнинг фойдаси ва зарарларини тақсимлаш;

Кузатув кенгашининг ўз ваколат доирасига кирадиган масалалар
юзасидан, шу жумладан Жамиятни бошқаришга доир қонун ҳужжатларида
белгиланган талабларга риоя этилиши юзасидан Кузатув кенгашининг
ҳисоботларини эшитиш;

Акциядорлар умумий йиғилишининг регламентини тасдиқлаш;

акцияларни майдалаш ва йириклаштириш;

Кузатув кенгаши аъзоларига тўланадиган ҳақ ва (ёки)
компенсацияларни белгилаш;

қонунчиликда белгиланган ҳолларда Жамият томонидан йирик
битимлар ва Жамият аффилланган шахслари билан битимлар тузиш
тўғрисида қарор қабул қилиш;

Жамиятнинг "Ички назорати тўғрисида", "Дивиденд сиёсати
тўғрисида", "Манфаатлар тўқнашуви бўйича амалга ошириладиган
тадбирлар тартиби тўғрисида"ги Низомларини тасдиқлаш;

Жамиятнинг коррупцияга қарши курашиш ва комплајенс
сиёсатларини тасдиқлаш;

мажбурий аудиторлик текширувини ўтказиш учун аудиторлик
ташкilotини белгилаш, ушбу ташкilotнинг хизматларига тўланадиган энг
кўп ҳақ миқдори ва у билан шартнома тузиш (шартномани бекор қилиш)
тўғрисида қарор қабул қилиш;

Жамиятнинг кундалиқ хўжалик фаолиятига кирувчи битимларни
белгилаш;

акциядорларнинг умумий йиғилиши қонун ҳужжатларига мувофиқ
бошқа масалалар бўйича қарорлар қабул қилиши мумкин.

13.6. Акциядорлар умумий йиғилишининг ваколат доирасига киритилган масалалар Кузатув кенгашига ҳал қилиши учун берилиши мумкин эмас, қонун ҳужжатларида ва ушбу Уставда кўзда тутилган ҳоллар бундан мустасно.

13.7. Акциядорларнинг умумий йиғилишини ташкил қилиш ва олиб бориш, Акциядорлар умумий йиғилиши томонидан қарор қабул қилиш тартиби Акциядорлар умумий йиғилиши қарори билан тасдиқланган "Акциядорлар умумий йиғилиши тўғрисида"ги Низомда белгилаб қўйилади.

13.8. Жамиятнинг барча оддий акциялари битта акциядорга тегишли бўлса, Жамиятда Акциядорларнинг умумий йиғилиши ўтказилмайди. Юқорида қайд этилган масалалар бўйича қарорлар бундай акциядор томонидан яқка тартибда қабул қилинади ҳамда ёзма шаклда расмийлаштирилади.

XIV. Кузатув кенгаши

14.1. Кузатув кенгаши Жамият фаолиятига умумий раҳбарликни ва стратегик бошқарувни амалга оширади, қонун ҳужжатлари ва ушбу Устав билан акциядорларнинг умумий йиғилиши ваколат доирасига киритилган масалаларни ҳал этиш бундан мустасно.

Кузатув кенгаши қонун ҳужжатларига, ушбу Уставга ва акциядорларнинг умумий йиғилиши томонидан тасдиқланган "Кузатув кенгаши тўғрисида"ги низомга мувофиқ иш юритади.

14.2. Кузатув кенгаши аъзоларининг сони 7 (етти) киши, шу жумладан Кузатув кенгашининг мустақил аъзоси 1 (бир) кишидан иборат.

14.3. Кузатув кенгашининг ваколатларига қуйидагилар киради:

Жамиятни ривожлантириш стратегиясига эришиш бўйича қўрилаётган чора-тадбирлар тўғрисида Ижроия органининг ҳисоботини мунтазам равишда эшитиб борган ҳолда Жамият фаолиятининг устувор йўналишларини белгилаш;

Жамият бошқарув аъзоларини (бошқарув раисидан ташқари) сайлаш (тайинлаш)

ва уларнинг ваколатларини муддатидан илгари тугатиш;

акциядорларнинг йиллик ва навбатдан ташқари умумий йиғилишларини чақириш, қонунчиликда назарда тутилган ҳоллар мустасно;

акциядорлар умумий йиғилишининг кун тартибини тайёрлаш;

акциядорларнинг умумий йиғилиши ўтказиладиган сана, вақт ва жойни белгилаш;

акциядорларнинг умумий йиғилиши ўтказилиши ҳақида хабар қилиш учун ҳамда умумий йиғилишга қатнашиш ҳуқуқига эга бўлган Жамият акциядорларининг реестрини шакллантириш санасини белгилаш;

Жамият Уставига ўзгартиш ва қўшимчалар киритиш ёки Жамиятнинг янги тахрирдаги Уставини тасдиқлаш масалаларини акциядорларнинг умумий йиғилиши ҳал қилиши учун киритиш, қонун ҳужжатларида назарда тутилган ҳоллар бундан мустасно;

Ижроия органига тўланадиган ҳақ ва компенсациялар миқдорларини белгилаш, шунингдек, кўрсатилган тўловларнинг чегараси миқдорини самарадорликнинг муҳим кўрсаткичларидан келиб чиқиб белгилаш;

мол-мулкнинг бозор қийматини белгилашни ташкил этиш;

Жамиятнинг йиллик бизнес-режасини тасдиқлаш, бунда Жамиятнинг келгуси йилга мўлжалланган бизнес-режаси Кузатув кенгаши мажлисида жорий йилнинг 1 декабридан кечиктирмай тасдиқланиши лозим;

ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;

Ижроия органининг фаолиятига дахлдор ҳар қандай ҳужжатлардан эркин фойдаланиш ва Кузатув кенгаши зиммасига юклатилган вазифаларни бажариш учун бу ҳужжатларни Ижроия органидан олиш. Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

аудиторлик текширувини ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

Тафтиш комиссияси аъзоларига тўланадиган ҳақ ва компенсацияларнинг миқдорлари юзасидан тавсиялар бериш;

дивиденд миқдори, уни тўлаш шакли ва тартиби юзасидан тавсиялар бериш;

Жамиятнинг захира фондидан ва бошқа фондларидан фойдаланиш;

Жамиятнинг филиалларини ташкил этиш ва ваколатхоналарини очиш;

Жамиятнинг шўъба ва тобе хўжалик Жамиятларини ташкил этиш;

Жамият томонидан корпоратив облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

Жамиятнинг корпоратив облигацияларини қайтариб сотиб олиш тўғрисида қарор қабул қилиш;

қимматли қоғозлар чиқарилиши тўғрисида қарорни ва эмиссия рисоласини тасдиқлаш;

аввал рўйхатдан ўтказилган қимматли қоғозлар чиқарилишларига ўзгартириш ва (ёки) қўшимчалар киритиш ва тегишли ўзгартириш ва қўшимчалар матнини тасдиқлаш;

Кузатув кенгашининг тегишли масалалар бўйича қўмиталар (ишчи гуруҳлар)ни тузиш;

Акциядорлар умумий йиғилиши томонидан ва қонунчиликда ўрнатилган миқдор доирасида ҳайрия (хомийлик) ёки бегараз ёрдамни кўрсатиш (олиш) шартлари ва тартибини белгилаш шунингдек ушбу тўғрисида қарорлар қабул қилиш;

қонунчиликда ва ушбу Уставда кўзда тутилган ҳолларда Жамият томонидан йирик битимлар ва Жамият аффилиланган шахслари билан битимлар тузиш тўғрисида қарор қабул қилиш;

Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида ва ушбу Уставда белгиланган тартибда тузиш.

Жамиятнинг молия-ҳўжалик фаолиятини назоратини ва самарали бошқаришни амалга ошириш шакллари белгилаш, бундай назоратни амалга ошириш ва зарур бўлган тақдирда ваколатли бошқарув органларига нисбатан керакли чораларни кўриш;

Жамиятнинг мол-мулкига ва фаолиятига нисбатан давлат-хусусий ҳамкорлиги доирасида ҳамкорлик шартномалари, ишончли бошқарув ва бошқа шартномалар тузишни маъқуллаш, Ўзбекистон Республикасининг қонун ҳужжатларига мувофиқ бундай масалалар акциядорларнинг умумий йиғилиши ваколатларига киритилган ҳолатлар бундан мустасно.

Кузатув кенгаши ваколат доирасида қонун ҳужжатларига, ушбу Уставга ва акциядорларнинг умумий йиғилиши томонидан тасдиқланган "Кузатув кенгаши тўғрисида"ги низомга мувофиқ бошқа масалаларни ҳал этиш ҳам киритилиши мумкин.

Кузатув кенгашининг ваколат доирасига киритилган масалаларни ҳал қилиш учун Ижроия органига ўтказилиши мумкин эмас.

14.4. Кузатув кенгаши Ижроия органи раҳбарининг (бошқарув раиси) ва Ижроия органининг аъзоларини ваколатларини агар улар Жамият Уставини қўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатидан илгари тугатиш ҳуқуқига эга.

14.5. Кузатув кенгашининг аъзолари қонун ҳужжатларида ва Жамият Уставида назарда тутилган тартибда акциядорларнинг умумий йиғилиши томонидан 3 (уч) йил муддатга сайланади.

Кузатув кенгаши таркибига сайланган шахслар чекланмаган тарзда қайта сайланиши мумкин.

Жамият бошқарув аъзолари Кузатув кенгашига сайланиши мумкин эмас.

Жамиятда меҳнат шартномаси (контракт) бўйича ишлаётган шахслар Кузатув кенгаши аъзоси бўлиши мумкин эмас.

Кузатув кенгаши таркибига сайланадиган шахсларга нисбатан қўйиладиган талаблар акциядорларнинг умумий йиғилиши томонидан тасдиқланадиган "Кузатув кенгаши тўғрисида"ги низомда белгилаб қўйилади. Кузатув кенгаши таркибига чет эллик мутахассислар сайланиши мумкин.

14.6. Кузатув кенгаши аъзолари сайлови кумулятив овоз бериш орқали амалга оширилади.

14.7. Кузатув кенгашининг раиси Кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан Кузатув кенгаши аъзолари томонидан сайланади.

Кузатув кенгаши ўз раисини Кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

Кузатув кенгашининг раиси унинг ишини ташкил этади, Кузатув кенгаши мажлисларини чақиради ва уларда раислик қилади, мажлисларда

баённома юритилишини ташкил этади, акциядорларнинг умумий йиғилишида раислик қилади.

Кузатув кенгашининг раиси бўлмаган тақдирда унинг вазифасини Кузатув кенгашининг аъзоларидан бири амалга оширади.

14.8. Кузатув кенгашининг мажлиси Кузатув кенгашининг раиси томонидан унинг ўз ташаббусига кўра, Кузатув кенгаши аъзоси, бошқарув аъзосининг ҳамда Жамиятнинг акцияларнинг ҳаммаси бўлиб камида бир фоизига эгаллик қилувчи акциядор талабига кўра чақирилади.

Кузатув кенгашининг мажлисини ўтказиш учун Кузатув кенгашига сайланган аъзоларнинг етмиш беш фоизидан кам бўлмаслиги керак.

Кузатув кенгаши аъзоларининг сони Жамият Уставида назарда тутилган миқдорнинг етмиш беш фоизидан кам бўлган тақдирда, Кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек Жамият бошқаруви раисининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

14.9. Кузатув кенгашининг мажлиси чоракда камида бир марта ўтказилади.

14.10. Кузатув кенгашининг мажлисида қарорлар, агар қонун ҳужжатларида ўзгача қоида назарда тутилмаган бўлса, мажлисда ҳозир бўлганларнинг кўпчилик овози билан қабул қилинади.

Қуйидаги масалалар бўйича қарор Кузатув кенгаши томонидан бир овоздан қабул қилинади:

Жамият томонидан акцияларга айирбошланадиган корпоратив облигацияларни чиқариш;

Жамият томонидан йирик битимлар тузиш;

Жамият томонидан аффилланган шахслар билан битимлар тузиш.

14.11. Кузатув кенгаши мажлисида масалалар ҳал этилаётганда Кузатув кенгашининг ҳар бир аъзоси битта овозга эга.

Кузатув кенгашининг бир аъзоси ўз овозини Кузатув кенгашининг бошқа аъзосига беришига йўл қўйилмайди.

Кузатув кенгаши аъзоларининг овозлари тенг бўлган тақдирда Кузатув кенгаши томонидан қарор қабул қилишда Кузатув кенгаши раисининг овози ҳал қилувчи овоз ҳисобланади.

14.12. Кузатув кенгашининг қарорлари сиртдан овоз бериш йўли билан (сўров йўли билан) Кузатув кенгашининг барча аъзолари томонидан бир овоздан қабул қилиниши мумкин.

14.13. Кузатув кенгашининг мажлисида баённома юритилади. Кузатув кенгашининг баённомаси мажлис ўтказилганидан сўнг 10 кундан кечиктирмай тузилади. Мажлис баённомасида қуйидагилар кўрсатилади:

мажлис ўтказилган сана, вақт ва жой;

мажлисда иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар;

мажлиснинг кун тартиби;

овоз беришга қўйилган масалалар, улар юзасидан ўтказилган овоз бериш яқунлари;

қабул қилинган қарорлар.

Кузатув кенгаши мажлисининг баённомаси мажлисда иштирок этаётган Кузатув кенгаши аъзолари томонидан имзоланади, улар мажлиснинг баённомаси тўғри расмийлаштирилиши учун жавобгар бўлади.

14.14. Кузатув кенгаши мажлисининг баённомаси имзоланган куни Ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда, мазкур қарор ҳақидаги ахборот Ижроия органига Кузатув кенгашининг мажлиси ўтказиладиган куни топширилади.

XV. Жамият ижроия органи

15.1. Жамиятнинг жорий фаолияти устидан раҳбарлик коллегиал Ижроия органи (Бошқарув) томонидан амалга оширилади. Жамият бошқарув аъзоларининг сони 8 (саккиз) кишидан иборат бўлиб, Кузатув кенгаши томонидан ваколатни кенгайтириш имконияти билан 3 (уч) йил муддатга сайланади. Бошқарув ишига Бошқарув раиси раҳбарлик қилади.

Жамият Бошқарув раиси сифатида тайинланган (қайта тайинланган) шахс сурункасига икки муддатдан ортиқ Бошқарув раиси бўлиши мумкин эмас.

Кузатув кенгашининг қарорига асосан Бошқарув раиси ва аъзоларини тайинлаш,

чет эллик мутахассислар иштирок этиши имконияти бўлган танлов бўйича саралаш асосида амалга оширилиши мумкин.

15.2. Бошқарувнинг ваколатларига Жамиятнинг жорий фаолиятига раҳбарлик қилишга доир барча масалалар киради, Акциядорлар умумий йиғилиши ёки Кузатув кенгашининг ваколатларига киритилган масалалар бундан мустасно.

15.3. Жамият Бошқаруви раиси, Жамият Бошқаруви раисининг вазифасини бажарувчи ёки Жамият Бошқаруви раисининг вақтинча вазифасини бажарувчи шахс, Жамиятнинг кундалик фаолиятига раҳбарликни амалга оширади, Жамият номидан ишончномасиз иш юритади, шу жумладан унинг манфаатларини ҳимоя қилади ва давлат муассасаларида, мулкчиликнинг турли шаклидаги корхона ва ташкилотларда Жамият ҳуқуқларини ҳимоя қилади.

15.4. Бошқарув ваколатига қуйидагилар киради:

мазкур Уставда кўзда тутилган Жамиятнинг жорий молия-хўжалик фаолиятини амалга оширади;

акциядорларнинг умумий йиғилиши ва Кузатув кенгаши қарорларининг ижро этилишини ташкил этади;

акциядорларнинг амалдаги қонун ҳужжатларида кўзда тутилган ахборот олиш, акциядорларнинг умумий йиғилишида иштирок этиш, дивидендлар тўлови бўйича барча ҳуқуқларига амал қилинишини таъминлайди;

Жамият мол-мулки ва пул маблағларини қонун ҳужжатларида ва Жамият ички меъёрий ҳужжатларида назарда тутилган тартибда тасарруф қилади;

Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек Жамиятнинг расмий веб-сайтида ва оммавий ахборот воситаларида акциядорларга, кредиторларга Жамият фаолияти тўғрисидаги маълумотлар ўз вақтида тақдим этилишини таъминлайди;

давлат статистика ҳисоботи ва бухгалтерия ҳисоботини тегишли органларга тўлиқ ва ўз вақтида тақдим этилишини таъминлайди.

15.5. Бошқарув раиси қуйидагиларга ҳақли:

Жамият номидан шартномалар, контрактлар ва бошқа битимлар тузади;

Жамият номидан ишончномалар беради;

Ўзбекистон Республикаси банкларида ҳисоб рақами ва бошқа ҳисобларни очади, Жамиятнинг ҳисоб-китоб ҳужжатлари ва ҳисоботларини имзолайди;

штатларни тасдиқлайди, уларни малакали кадрлар билан тўлиқлигини таъминлайди;

Жамият таркибий бўлинмалари, бошқармалари, департаментлари, бўлимлари, филиаллари, ваколатхоналари низомларини ва Жамиятнинг таркибий тузилмасига кирувчи корхоналарни Уставларини тасдиқлайди;

ҳодимларни мукофотлаш тўғрисидаги низомни тасдиқлайди, лавозим иш ҳақлари, уларга устамаларни, турли кўшимча тўловларни белгилайди, Жамият ходимларини рағбатлантиради, шунингдек, Жамият ходимларини ижтимоий ҳимоялаш мақсадида компенсация тўловларини ўрнатади;

ҳодимлар билан меҳнат шартномалари (контрактлар) тузади ва уларни тугатиш (бекор қилиш) тўғрисида қарор қабул қилади;

раис ўринбосарлари ва бошқарув аъзолари ўртасида вазифаларни тақсимлайди, Жамият фаолиятига оид масалаларни ҳал қилишда уларнинг ваколатларини белгилайди;

Жамиятнинг филиали ёки ваколатхонаси раҳбарини тайинлайди;

Жамиятнинг барча мансабдор шахслари ва ходимлари бажариши шарт бўлган буйруқлар, фармойишлар, кўрсатмаларни чиқаради, шунингдек ўзининг ваколати доирасига кирувчи масалаларга оид йўриқномалар ва бошқа ички ҳужжатларни тасдиқлайди;

ҳодимлар томонидан меҳнат интизоми ва ижро интизомига риоя қилинишини таъминлайди;

Жамият ходимларига нисбатан амалдаги қонунчиликда кўзда тутилган интизомий жазо чораларини қўллайди;

қонун ҳужжатлари, ушбу Устав ва «Ижроия органи тўғрисида»ги низомга мувофиқ бошқа масалаларни ҳал этади.

15.6. Бошқарув раиси қуйидагиларга ҳақли:

ўз фаолиятига тегишли масалалар бўйича мустақил равишда қарорлар қабул қилади;

тасдиқланган умумий ходимлар сони доирасида ташкилий тузилмага ўзгартиришлар киритади;

Жамият номидан ишончномасиз иш юритади, бошқа ташкилотлар ва органлар билан ўзаро муносабатларда унинг манфаатларини ифодалайди;

Кузатув кенгашининг розилигига кўра унинг ишида маслаҳат овози билан иштирок этади;

Жамиятнинг тегишли кўрсаткичлари ва эришилган муҳим параметрларга мос равишда мукофотлар олиш;

Бошқарув раиси қонунчиликда ва ушбу Уставда кўзда тутилган бошқа ҳуқуқларга ҳам эга бўлиши мумкин.

15.7. Бошқарув раисининг мажбуриятлари:

Жамият манфаатларини кўзлаб иш тутиш;

ўз мажбуриятларини у билан тузилган меҳнат шартномаси шартларига мувофиқ тегишли тарзда бажариш;

акциядорларнинг умумий йиғилиши ва Кузатув кенгаши қарорларининг бажарилишини назорат қилиш;

Жамиятнинг йиллик бизнес-режаси кўрсаткичларининг бажарилишини таъминлаш;

Кузатув кенгаши ва акциядорларнинг умумий йиғилиши олдида ҳисобот бериш, акциядорларнинг умумий йиғилишларида иштирок этиш, дивидендлар ҳисоблаш ва тўлаш бўйича барча ҳуқуқларига риоя этилишини назорат қилиш;

қонунчиликда кўзда тутилган Жамият фаолияти тўғрисидаги ахборотни ошкор этилмаслигини назорат қилиш;

Жамиятнинг молия-хўжалик фаолияти тўғрисидаги ҳужжатларни Кузатув кенгаши, Тафтиш комиссияси ёки Жамият аудитори талабига кўра тақдим этилишини таъминлаш;

Бошқарув йиғилишларини ўтказишни ташкил этиш;

Жамият таркибий тузилмаларининг самарали ҳамкорлик юритишини таъминлаш;

Жамият шартнома мажбуриятларининг бажарилишини таъминлаш;

Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга йиллик ҳисобот ва бошқа молиявий ҳисоботлар ўз вақтида тақдим этилиши юзасидан назоратни амалга ошириш;

давлат статистика ҳисоботи ва бухгалтерия ҳисоботини тегишли органларга тўлиқ ва ўз вақтида тақдим этилиши юзасидан назоратни амалга ошириш;

Жамиятнинг тижорат сирини ташкил этувчи ахборотнинг сақланишини таъминлаш;

Жамият фаолияти тўғрисидаги махфий ахборотни ошкор қилмаслик;

Жамиятни малакали кадрлар билан таъминлаш, Жамият ходимларининг билими, малакаси, тажрибаси ва қобилиятларидан энг яхши фойдаланиш чораларини кўриш;

қонун ҳужжатларида белгиланган тартибда меҳнат муносабатлари билан боғлиқ масалаларнинг ҳал этилишини таъминлаш;

Жамият фаолиятида қонун ҳужжатлари, ушбу Устав, "Ижроия органи (бошқарув) тўғрисида"ги низом ва Жамиятнинг бошқа ички ҳужжатлари талабларига риоя қилиш.

Бошқарув раиси қонун ҳужжатларига мувофиқ бошқа мажбуриятларга эга бўлиши мумкин.

15.8. Бошқарув раиси ҳар чорақда Кузатув кенгаши олдида Жамиятнинг йиллик бизнес-режасини бажариш қандай бораётганлиги юзасидан ҳисобот беради.

Бошқарув раиси акциядорларнинг йиллик умумий йиғилишида молия йили яқунларига кўра Жамиятнинг молия-хўжалик фаолияти натижалари тўғрисида ҳисобот беради.

15.9. Жамият бошқарувининг мажлисида баённома юритилади. Жамият бошқаруви мажлисининг баённомаси Кузатув кенгашининг ва Тафтиш комиссиясининг аъзолари талабига кўра уларга берилади.

Жамият бошқаруви мажлисларини ўтказишни бошқарув раиси ташкил этади, у Жамият номидан барча ҳужжатларни ҳамда Жамият бошқаруви мажлиси баённомаларини имзолайди. Жамият бошқаруви ўз ваколат доирасида қабул қилган қарорларга мувофиқ Жамият номидан ишончномасиз иш юритади.

15.10. Бошқарув раиси ва бошқарув аъзоларининг ҳуқуқ ва мажбуриятлари тегишинча қонун ҳужжатларида, ушбу Уставда ҳамда уларнинг ҳар бири Жамият билан 3 уч йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Шартнома Жамият номидан Кузатув кенгашининг раиси ёки Кузатув кенгаши ваколат берган шахс томонидан имзоланади. Жамият бошқаруви раиси билан тузиладиган шартномада унинг Жамият фаолияти самарадорлигини ошириш бўйича мажбуриятлари ҳамда Жамиятнинг йиллик бизнес-режасини бажариш қандай бораётганлиги юзасидан Акциядорларнинг умумий йиғилиши ва Кузатув кенгаши олдида берадиган ҳисоботларининг даврийлиги назарда тутилиши керак.

15.11. Жамиятнинг Кузатув кенгаши Жамият бошқаруви аъзолари (раисдан ташқари) билан тузилган шартномани, агар улар Жамият Уставини қўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.

15.12. Бошқарув раиси ва аъзоларига тўланадиган ҳақ ва компенсациялар миқдорлари самарадорликнинг муҳим кўрсаткичларидан келиб чиққан ҳолда белгиланади.

XVI. Кузатув кенгаши аъзоларининг, бошқарув раисининг ва бошқарув аъзоларининг жавобгарлиги

16.1. Кузатув кенгашининг аъзолари, Бошқарув раиси ва бошқарув аъзолари

ўз ҳуқуқларини амалга оширишда ва ўз мажбуриятларини бажаришда Жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

Кузатув кенгаши аъзолари, Бошқарув раиси ва Жамият бошқаруви аъзолари, агар жавобгарликнинг бошқа асослари Ўзбекистон Республикаси қонун ҳужжатларида белгиланмаган бўлса, Жамият манфаатларига етказилган ҳар қандай зарар учун уларнинг айбдор ҳаракатлари (ҳаракатсизлиги) билан жавобгар бўладилар.

Агар бир нечта шахс жавобгар бўлса, уларнинг Жамият олдида солидар жавобгар бўлади.

16.2. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Кузатув кенгаши аъзолари, бошқарув раиси ва бошқарув аъзолари жавобгар бўлмайди, қонунчиликда белгиланган ҳоллар бундан мустасно.

16.3. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) Жамиятга етказилган зарарларнинг ўрнини қоплаш тўғрисидаги даъво билан Кузатув кенгаши аъзоси, бошқарув раиси ёки бошқарув аъзоси устидан судга мурожаат қилишга ҳақли.

16.4. Агар жамиятнинг ижроия органи томонидан йирик битим ёки аффилланган шахслар билан битим тузиш тартиби бузилганлиги натижасида жамиятга зарар етказилган бўлса ва бунда жамият директорининг ёки бошқарув аъзоларининг ёхуд ишончли бошқарувчининг айби қонунчиликда белгиланган тартибда исботланса, жамиятнинг кредиторлар олдидаги қарздорлигини қоплаш учун унинг мол-мулки етарли бўлмаган тақдирда жамиятнинг мажбуриятлари бўйича субсидиар жавобгар бўлади.

XVII. Жамиятнинг молия-хўжалик фаолиятини назорат қилиш

а) Ички аудит хизмати

17.1. Жамият активларининг баланс қиймати энг кам иш ҳақи миқдорининг юз минг баробаридан кўп бўлган тақдирда Жамиятда ички аудит хизмати ташкил этилади. Ички аудит хизмати Кузатув кенгашига ҳисобдордир.

17.2. Жамиятнинг ички аудит хизмати қуйидагиларни текшириш ҳамда баҳолаш орқали Жамият бошқаруви, филиаллари ва ваколатхоналари ишини назорат қилади:

Жамиятнинг бошқаруви раиси, филиаллари ва ваколатхоналари томонидан қонун ҳужжатларига, Жамият Уставига ва бошқа ҳужжатларга риоя этилишини;

Жамиятнинг бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини;

Жамиятнинг хўжалик операцияларини амалга оширишнинг белгиланган қоидалари ва тартиб-таомилларига риоя этилишини;

Жамият активларнинг сақланишини, устав капиталидаги 50 фоиз улуш Жамиятга тегишли бўлган юридик шахслар билан ўтказилган операцияларни, шунингдек Жамиятни бошқариш юзасидан қонун ҳужжатларида белгиланган талабларга риоя этилишини.

17.3. Ички аудит хизматининг ходимлари сўнгги ўн йил ичида камида икки йил давомида бухгалтерия ҳисоби, аудит, молиявий ёки солиқ назорати соҳасида амалий тажрибага эга бўлишлари ва қуйидаги талаблардан бирига жавоб беришлари керак:

ички аудиторлик сертификатига эга бўлиш;

Ўзбекистон Республикасининг олий таълим муассасаларида ёки Ўзбекистон Республикаси қонун ҳужжатларига мувофиқ, Ўзбекистон Республикасидаги таълимга тенглиги эътироф этилган хорижий давлат таълим муассасасида олинган олий иқтисодий маълумотга эга бўлиш.

17.4. Жамиятнинг ички аудит хизмати ўз фаолиятини қонун ҳужжатларида, ушбу Устав ва акциядорларнинг умумий йиғилиши томонидан тасдикланадиган "Жамият ички аудит хизмати тўғрисида"ги низомда белгиланадиган тартибга мувофиқ амалга оширади.

б) Аудиторлик ташкилоти (ташки аудитор)

17.5. Аудиторлик ташкилоти Жамият билан тузилган шартномага мувофиқ қонун ҳужжатларида белгиланган тартибда Жамиятнинг молия-хўжалик фаолиятининг текширилишини амалга оширади ва унга аудиторлик хулосаси тақдим этади.

17.6. Аудиторлик ташкилоти Жамиятнинг молиявий ҳисоботи ва молияга доир бошқа ахборот ҳақида нотўғри хулосани ўз ичига олган аудиторлик хулосаси тузилганлиги оқибатида етказилган зарар учун Жамият олдида жавобгар бўлади.

в) Жамиятнинг корпоратив маслаҳатчиси

17.7. Кузатув кенгаши қарорига асосан Жамиятда корпоратив маслаҳатчиси лавозими жорий этилиши мумкин. Корпоратив маслаҳатчи Кузатув кенгашига ҳисобдор бўлади ва Жамиятда корпоратив қонун ҳужжатларига риоя этилиши устидан назорат қилиш вазифасини бажаради.

17.8. Жамият корпоратив маслаҳатчиси ўз фаолиятини Кузатув кенгаши томонидан тасдиқланган "Корпоратив маслаҳатчи тўғрисида"ни низом асосида амалга оширади.

г) Комплајенс хизмати

17.9. Кузатув кенгаши қарори билан Жамиятда таркибий тузилмаси ҳисобланадиган ва Жамият томонидан коррупцияга қарши курашиш соҳасидаги қонунчилик талабларига риоя қилинишига жавобгар бўлган Комплајенс хизмати тузилиши мумкин.

17.10. Комплајенс хизмати Кузатув кенгаши томонидан тасдиқланган низом асосида иш юритади ва Кузатув кенгашига ҳисобот беради.

Комплајенс хизмати Кузатув кенгаши ва Жамият Бошқарув раиси олдида ҳисобдордир.

17.11. Комплајенс хизмати Жамиятнинг ва унинг таркибий бўлимларини, шу жумладан ички аудит хизмати фаолиятини мониторинг қилиш ва баҳолаш ҳуқуқига эга.

XVIII. Жамиятнинг йиллик ҳисоботларини тузиш, текшириш ва тасдиқлаш тартиби

18.1. Жамият қонун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек Жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган Жамият фаолияти тўғрисидаги маълумотлар ўз вақтида тақдим этилиши учун жавобгарлик Жамият бошқаруви раисининг зиммасида бўлади.

18.2. Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган йиллик ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончлилиги, мулкӣ манфаатлари Жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

Жамият халқаро молиявий ҳисобот стандартларига мувофиқ тузилган йиллик молиявий ҳисоботни у халқаро аудит стандартларига мувофиқ ташқи аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида икки ҳафта олдин эълон қилади.

18.3. Жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўн кундан кечиктирмай Жамиятнинг Кузатув кенгаши томонидан дастлабки тарзда тасдиқланиши лозим.

18.4. Жамиятнинг молия йили 1 январдан бошланади ва 31 декабрда тугайди.

XIX. Жамиятни қайта ташкил этиш ва тугатиш

19.1. Жамиятни қайта ташкил этиш ва тугатиш қонун ҳужжатларида белгиланган тартибда амалга оширилади.

XX. Якуний қоидалар

20.1. Ушбу Уставнинг ҳолатлари бўйича келиб чиқадиган барча низо ва келишмовчиликлар музокаралар йўли билан ҳал қилинади. Низо ва келишмовчиликларни музокаралар йўли билан ҳал қилиш имконияти бўлмаган тақдирда, улар тегишли равишда суд тартибида ҳал қилинади.

20.2. Ушбу Уставда акс эттирилмаган масалалар Қонунда ва бошқа меъёрий-ҳуқуқий ҳужжатлар билан тартибга солинади.

20.3. Қимматли қоғозлар бозори соҳасидаги қонун ҳужжатларига ушбу Уставнинг ҳолатларига зид келувчи ўзгартиришлар киритилган ҳолларда, амалдаги қонун ҳужжатлари меъёрлари қўлланилади.

20.4. Ушбу Устав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб кучга киради.